

# 愛情捉迷藏

作者: 心事寄存

Powered by [紙言](#)

# #1 引言

#1我靜坐在海邊  
享受著風的清勁。  
看著浪花慢慢的捲起  
看著月光高高掛起。  
這晚  
我獨自在海邊  
穿過鰂魚涌公園的天橋  
能走到維港邊的小徑  
走到翻新過後充滿著人群在跑步,遛狗的小徑  
我看一看手機  
9.14星期天  
18:00  
我看著WhatsApp  
我兩年除了上學日  
沒有在這天出來了  
而這天我為什麼出來了?  
只因為有位朋友  
很要好的朋友說了一句  
“你系咪見呀嫂呀?”  
我出來了。  
但我沒有見他(們)  
因為我覺得燈泡  
真的很煩  
結婚不是自己決定的事  
但至少戀愛只要成為那兩個人的事就好。  
我崇尚這樣的道理  
所以我決定  
自己帶著這種悲傷的感情  
來到了傷感的舊地  
懷緬過去。  
要說我是一個怎樣的人  
我會說我是一個說話直接的人  
是一個很為朋友著想的人  
至於為什麼  
我不知道,習慣,還是一種心態問題?  
但是學校的研習  
某些人的作文  
我都有幫忙完成的  
甚至是我獨力完成的。  
但以前的我絕不這樣。  
只當我遇到她以後。

當年我是一個中學生  
由於不努力讀書的關係

我考了一間徘徊在Ban 1 尾  
Ban 2頭的學校  
那時TVB還有著不同online game 廣告的年代  
我每天都會在放學後看看放學ICU  
當中的爆旋陀螺 寵物小精靈  
都是回憶  
不過既然有咁多online game廣告  
我當然就成日都打online game 喇。  
咩CSO SD高達都係我同朋友成日玩既  
仲有D跑online 同成堆RPG game都係  
我好享受呢種虛擬遊戲  
因為系入面識到人  
你唔知佢系邊個  
唔需要介懷任何現實中既野  
就可以相處得好好  
但係永遠又有一種好奇心  
驅使你想了解對方既一切。

當中其中一隻online game(我唔開名喇)  
成為左一隻改變我一生既轉捩點  
你估錯左  
我係系個隻game入面  
識到改變我一生既人  
既朋友。

“有人話相遇系幾多千萬分之一  
但係透過相遇  
再相遇既機率  
又係幾多?”

## #2 遇見妳...之前

#2我放學後都會好努力咁解任務  
希望快D升lv  
串死身邊D fd  
等佢地羨慕嫉妒下  
我又威D咁。  
但我好唔讚成買點  
堅持唔買點打贏買點個班人  
先至真係爽  
呢D先叫實力呀嘛  
擺點打贏人地同擺錢扔死人地無分別。  
不過呢D都唔係重點  
係一次解任務既期間  
需要一班隊友  
實力無關重要  
只係需要一班人陪我  
其餘我一手包辦  
所以我匆匆忙忙咁用MSN搵晒我班fd出黎  
(當時仲係MSN年代)  
但係竟然有人唔得閒  
結果搞到唔夠人  
我班fd就決定搵D佢地既fd幫我  
“反正我夠人咪得  
你地快手D喇  
一陣又要比呀媽催出去食飯啦”  
我應左佢地機之後佢地就搵左幾個人入黎  
我記得係  
雜果賓治  
同埋天使之戀  
經fd了解後得悉佢地係女仔  
就自我介紹左一陣。  
“我叫小羽 小羽個羽”  
我角色名叫小羽  
“我係蘋果加西瓜加菠蘿加哈密瓜...既雜果賓治”  
一個好長既自我介紹  
是覺得這樣有活力D?  
“我叫angel”  
一個好短既自我介紹  
又...短左D下話。  
感覺有D搞笑既兩位  
“姐係水果妹同天使妹妹喇”  
“let' s go”  
“點解好似angel個名親切D架”  
水果妹問我  
“你地唔洗理我係隔離企就得”

我扯開話題咁講道  
結果果次順順利利地完成左個任務。

經公會人員同我講  
“今個星期我地會約出黎見下面咁”  
我有D不知所措  
因為我雖然識左好多fd系  
但係我都有應約  
令我補充一下  
水果妹同天使妹妹都會出席  
因為都係同一個公會  
結果我就係今次既活動入面  
識左我人生中  
我最愛既人。

“有人話  
每個女仔都希望談一場翻天覆地的戀愛,  
找一個王子殿下陪佢。  
而我覺得,  
每一個男仔,  
其實都係希望搵個屬於自己既公主,  
守護佢，一生一世。”

## #3 緣分?

#3 “哇搵死我。”

“下M記都搵死你?”

無錯。

我地成大班人約左系M記

你問點解?

因為唔需要太靜

可以放任地傾計

再加上學生哥每個都負擔得起

所以咪揀M記囉

“唉琴日又唔等我打”

我打開話題

“乜野呀乜你唔系得angel咋咩”

雖然唔識佢

但我當時好肯定可以話比你知佢系水果妹

呢種咁既性格

就算隔住熒幕都認得出

“呀水果妹,我識左你地一個星期都唔到咋啲”

“系咩...?你D 男子唔系好中意一堆堆圍起女神架咩?”

“嗯...咁我又未去到咁犀利”

“咁姐系你打算做D無咁犀利架喇”

“咁男子見到女仔第一印象系外表喇

話時話我都未見過佢我點跟住圍起佢?”

“話你on9真係侮辱左on9呢個字”

“哇宜家D人無啦啦就鬧人”

“其實呢,你對面個個呢?”

“你系天使妹妹?咪玩我喇你”

“系我隔離個個呀。乜加陣好大差別咩?”

我無理佢

望向佢隔離

原來一直系度聽緊我地講野!

“真係唔好意思,無留意到你。哈哈”

“哦無所謂,存在感低姐”

個陣我就覺得對面個組合好得意

一個超熱血超主動既女仔

同一個存在感低又冷漠既女仔系朋友

究竟佢地兩個點識?

不過第一次見面就問呢D好似唔系咁好

所以個問題比我吞左落肚

繼續同佢地無聊地吹下水

反正中二既星期日就係咁無聊。

利申一句先

我唔知佢地係咪系學校比人封女神

但係我覺得兩位都真係幾靚既...

手機系檯面震緊。

鈴聲響起。  
根據我推測應該系韓文歌  
然後水果妹擺起電話  
講左幾句。  
期間我去左買個雪糕  
跟住去同會長傾計  
咁點樣令公會變到更強大  
點去同人挑機既毒野之類。  
咁中二系有少少中二病架喇。  
跟住返到黎繼續同水果妹佢地吹水。  
天南地北 傾下幾多歲  
系邊度讀書  
個陣仲未分科所以唔洗問讀咩  
因為大家都係讀個堆科目  
就問下強項係咩喇。  
水果妹話體育  
天使妹妹就話系中國文學  
基本上無咩落差  
正當我打算嘲笑下佢地強項同性格差唔多既同時  
有人係我後面講野  
“咦你地系度搵左好耐呀”  
“係咩?坐喇”  
“我去擺杯水先”  
“佢系?”  
我問水果妹。  
“我個同學呀 我想問佢借功課抄”  
“唉宜家D人真係好差...”  
“收喇你。”  
我回頭望向個位少女  
草帽白色連衣裙  
女神大人去M記野餐?  
我無理到佢繼續同水果妹吹水  
唔搵天使妹妹傾計  
係因為我覺得天使妹妹中意聽多過講  
傾下傾下  
突然就靜左落黎  
然後水果妹系到爆笑  
連天使妹妹都捂嘴系度偷笑  
只剩下一個無言的我  
還有那個她。  
“對唔住呀對唔住呀我無心架”  
點解那個她要咁講?  
因為我比人淋到濕晒。

“有些事  
你會覺得不幸。  
但你要知道

幸運  
也可建立在不幸上。”



## #4 意外

#4 “唔好意思呀真係”

女孩正低頭道歉。

“無所謂啦。”

男仔回答到。

以上情節系十五分鐘內

我同佢loop左好多好多好多次。

一分鐘過後

“對唔住呀無心”

我開始進入煩惱階段

究竟點樣先可以

逃出這個無限loop的局面

結果我決定...

“你請我食杯雪糕呢件事就咁算好嘛?”

“OK”

佢跑左出去買雪糕。

“食咩味有無咩唔食架”

“無咩唔食咩都食咩味隨你”

“OK”

一股氣答晒所有問題

然後

“喂水果妹佢平時就咁樣?”

我細細聲問水果妹

“點樣”

“loop and loop and loop囉”

“無嘍 可能做錯事會掛 不過佢好少做錯事嘛”

“I see 咁佢應該唔會再loop掛”

“loop or not, up to her mood”

我用一種鄙視既眼神望住水果妹

水果妹對我做過鬼臉跟住繼續玩手機。

一陣之後

那個她就跑反黎

遞左杯雪糕比我。

“sorry 呀 食喇”

“唔好再道歉...雖然全部唔同字眼但係真係唔需要再道歉”

“無心架sor 囉,學校教寫文講野要用唔同詞彙盡量唔好重複”

“哦 但係個重點係唔洗再道歉呀”

我拍佢個頭。

“啊...”

“哇初見面就賣低朋友系度同人打情罵俏”

水果妹抬頭講到。

“收啦你”

“再嘈唔比你抄maths”

我同那個她好有默契地講到

“對唔住呀女神大人”

“我唔系女神”

“咁呢位同學其實你叫咩名?”

我好奇問到

“我叫Sherman,佢地叫我呀敏”

“呀敏 ic...”

“咁你叫咩名?”

“隨你起”

“下?咁...你係學校有無咩花名?”

“我比人叫...兔仔囉”

“哈哈哈哈哈”

水果妹突然大笑。

“有無咁好笑呀”

“兔仔,哈..嗯..哈嗯嗯...”

水果妹表現出一種忍住唔笑既表情。

“因為似 再加上係復活節假期附近生日呀嘛”

“咁呀...就叫你兔兔喇”

“下..哦無所謂既...”

“兔兔呀哇哈哈哈哈哈...”

“哈...”

今次連angel都跟住笑

雖然個名

又真係幾好笑

亦都唔系幾想用

但係男仔講左

反口好漆架嘛

所以扮到完全唔care既態度

“我疊字 你都要呀 敏敏”

“好 no problem 哈哈”

“哇又黎?!”

“收啦”

“功課打算自己做?”

“唉...默契你地贏晒喇”

我同敏敏望左望

笑左出黎。

“名字什麼的都是浮雲

重要的是誰在叫你”

## #5 綠色頭像閃爍著

有相遇就有離別  
離別過後就會再次相遇  
咁我地既聚會當然都有離別既一刻喇  
不過都無咩不捨既  
又唔系咩生離死別  
所以交換下MSN, FB 之類  
就返屋企  
我擺左大部分人既MSN 同FB  
就連路人  
啊唔系  
係咁岩參與左我地活動  
既敏敏既MSN 同FB都擺左。  
“敏敏 留低你MSN 同FB比我  
得閒傾下計”  
“得 xxxxxxxx @hotmail.com  
Fb 係 XX”  
就係咁直接  
就係咁簡單  
有好多人用好多方法  
兜好大個圈  
鼓好大勇氣  
去問人擺電話,MSN 或者FB  
我一路都唔明點解  
唔知咪問囉  
唔比咪唔比囉  
唔問又點知先?  
我同我D fd都咁講架  
不過我D fd 就話  
呢D野  
當你有左中意既人  
又遇到咁既情況  
你自然就會明白  
不過依家我自知自己仲未中意邊個  
所以就唔擔心住  
反正總有一天  
我一定會明白  
對吧?

咁既然都擺左  
梗系要搵水吹啦  
其實我雖然成日打機  
但唔系個D中晒毒唔打唔得個種  
因為我覺得打得多  
真係好鬼死悶

當悶起黎有D咩做？

打機囉

有第二個選項？

唔通溫書咩

依家中二咋

咪玩喇好無

咁依家既然識左幾個朋友

(拿拿拿...我有好多朋友架...只不過佢地去晒補習咋 而我奉行無補習主義咋)

吹下水都好過成日打機

日日打黎打去都係個D

再好玩都會們架嘛。

咁我就決定搵佢地吹水傾下計咁

依家我面前有三個選項

水果妹 angel 敏敏

應該搵邊個呢？

Umm...

Angel 就免喇

感覺單對單吹水唔適合我同佢

水果妹？

佢成日同我吹水啲

打機成日抽我水

敏敏？

雖然好似默契好好

但又好似唔系好熟

就係我沉思既時候

當時每個人都認得既震動

以及那個綠色人偶的圖像在閃爍著

“兔兔”

“做咩呀敏敏”

係敏敏

“無野做 問下你做緊咩”

“哦...我溫緊書。”

“咁勤力？”

“無呀 我一路都咁勤力”

“哇真係估唔到”

“咁係因為我吹架嘛”

“都估到你...”

“哇咁你咪好醒？”

“唔係你估”

就這樣

我開始和她聊了起來

這是起點。

“大海茫茫找到你  
一定有特別的原因”

## #6 邀約?

#6我認識了這一個新朋友

開始無所不聊

例如

“啊...D Chem 同Bio 真係好煩”

我問

“我仲讀緊Science :) ”

佢答

“不過physics 就簡單”

“係咩?”

“D光咩折射反射真係好易”

“哇其實你都係想兜圈讚下自己姐”

“真心易”

“咁你係咪打算讀physics?”

“理科咪搞我”

(題外話我依家的確讀緊商科架)

“咁你邊科最勁?”

佢突然咁問我

我又未比人問過咁既問題

“嗯...其實Dcore 科科都比X好 又無科特別好咁囉”

“下姐系點呀?”

“姐系你當我中英數都比其他科好喇”

“哇咁勁?!”

“咁你呢>\_>”

“我讀書唔勁架 淨系識同fd跳下舞咁 仲有識少少吉他”

“哇癡線女神跳舞 一定好多兵喇”

“唔癡線唔系女神更加無兵”

“哦 咁我做你第一隻兵喇 敏敏”

“唔好啦你系我朋友黎”

“我講笑姐唔洗咁認真答我”

“-\_\_- 咁你識唔識咩樂器下煮野食咁?”

“我cooking mama就勁 煮野食就公仔面同炒蛋囉”

“哇你無再整D難D既野”

“有機會先啦”

“咁樂器呢?”

“嗯...識少少鋼琴咁喇”

“哇鋼琴?!你係咪可以望住個譜即刻彈出黎仲自己寫歌個D人?”

“我相信你對識彈鋼琴有好大誤會,同埋我只不過六級咋嘛。”

(又題外話 故事完結後一年我考埋8級架)

“嗯,係咩?”

“哇反應超冷淡:( ”

“-\_\_-咁你咪好犀利?”

“其實唔難XD”

“XD”

簡簡單單傾計

其實真係幾開心  
你問乜佢唔洗補習咩?  
佢唔系話自己讀書唔勁咩?  
佢要補習呀  
星期六日囉  
仲系港島補  
對佢黎講真係好遠  
因為佢住天水圍個邊  
我問佢

“點解唔轉個地方補習?”

“點解要轉...?”

“下...唔遠咩?”

“ok 喇 順便見下fd”

“觀音兵護駕XD”

“收皮啦死兔兔”

“唉又要擺兵仔衝過黎斬我:( ”

“咁你咪要自殺?”

“點解...”

“又係你話做我兵仔XDD”

“呀媽呢到有人公然收兵呀”

“搵隻最強兵仔護身XP”

“好似好辛苦咁”

“你真係想做架”

“洗唔洗填form先?”

“My friend 咪玩喇”

“好囉敏敏.\_\_\_\_.”

“話說你今個星期六得唔得閒?”

“岩岩就話唔收兵 依家又召叫?”

“唔系呀我要做閱讀報告”

“So...?”

“所以要去中央圖書館借書”

“Then...?”

“唔知借咩書好...?”

“哦 求其借本有興趣既書咪得”

“你介紹本黎”

“拿哈利波特就係一個好有趣既故事

我依家介紹比你”

“你玩野?”

“邊敢呀...?”

“你咁近陪我出黎揀書喇”

“下天氣咁熱:( ”

“無所謂喇無所謂喇黎喇黎喇”

“係係得得得...”

“乖兔兔:)”

真係好麻煩

我當時真係咁覺得架

都係個句

中二既男仔  
你想佢點姐

“知識改變命運  
你聽得夠多了吧？  
但是知識創造機會  
讓你遇見愛情  
你又知道嗎？”

## (題外話)

最近有點忙  
應該大概一個禮拜一兩更  
不過我想其實也沒多少人會看  
如果你在追的話  
盡量秘密地告訴我  
我會默默地偷笑的:)